



Broj: Ž-SA-04-330/23

Datum: 02.08.2023. godine

**SKUPŠTINA KANTONA SARAJEVO**

*N/R zastupnika skupštine KS Selmanović Faruka*

*Ul. Reisa Džemaludina Čauševića br.1., Sarajevo*

**Predmet: Obavijest**

U vezi sa Vašim obraćanjem instituciji Ombudsmana za ljudska prava Bosne i Hercegovine, u prilogu Vam dostavljamo akt institucije Ombudsmana upućen Fakultetu političkih nauka *N/R Dekana*.

Po prijemu odgovora, o istome, institucija Ombudsmana će Vas blagovremeno obavijestiti.

Prilog: kao u tekstu

S poštovanjem,

**Po ovlaštenju Ombudsmana Bosne i Hercegovine**  
**Stručna savjetnica**

[Redacted signature box]

Maja Conic

**Dostavljeno:**

1x naslovu

1x u spis



Broj: Ž-SA-04-330/23

Datum: 31.07.2023. godine

FAKULTET POLITIČKIH NAUKA

N/R Dekana

Ul. Skenderija br.72., Sarajevo

Predmet: Žalba Ž-SA-04-330/23, izjašnjenje-traži se

Institucija Ombudsmana za ljudska prava Bosne i Hercegovine zaprimila je dana 12.04.2023. godine zastupničko pitanje broj: 01-04-8156-7/23 od 29.03.2023. godine zastupnika Skupštine Kantona Sarajevo Selmanović Faruka, koje je registrirano kao žalba pod brojem Ž-SA-04-330/23.

Zastupnik Selmanović Faruk u zastupničkom pitanju, između ostalog, navodi da je isto uputio pored Vlade Kantona Sarajevo, Ministarstva za visoko obrazovanje Kantona Sarajevo, Rektora Univerziteta u Sarajevu i vašoj instituciji. Spomenuto pitanje se odnosi na član 67. Zakona o visokom obrazovanju Kantona Sarajevo, odnosno zašto se isti ne provodi, a koji se odnosi na preciziranje prava na individualizaciju u postupku realizacije nastavnog procesa studentima sa poteškoćama u razvoju i invaliditetom u Kantonu Sarajevo koji studiraju na Univerzitetu u Sarajevu. Ističe da je naša sugrađanka dijete sa poteškoćama i da je sa istim završila redovno osnovnu i srednju školu (po prilagođenom programu), da je i od 2020 godine redovno upisana na FPN Univerziteta u Sarajevu/odsjek socijalni rad, na prijedlog i asistenciju Ureda za podršku studentima. Zastupnik Selmanović navodi da je studentica izgubila prošlu godinu obzirom da je studirala po redovnom programu a ne prilagođenom kako zakonska regulativa nalaže. Spomenuti zastupnik navodi da je održan sastanak sa dekanom FPN na kojem je ukazano na određene probleme sa profesorima s obzirom da pomoć/asistenciju za takve studente treba da obezbjedi Ured za podršku studentim, te da je nakon tog sastanka studentica u drugom semestru u prošloj godini imala asistenta od strane Ureda kao i pomoć u svojstvu svjedoka prilikom usmenog polaganja ispita obzirom da studentica ispite ne može polagati pismeno. Međutim, naglašeno je da je na navedenom sastanku bilo dogovoreno da će se pokušati naći rješenje da se studentici omogući studiranje po prilagođenom programu, ali da je evidentno da strane predmetnih profesora nije bilo dobre volje i razumjevanja i da do sada nije ništa učinjeno po tom pitanju.

Slijedom navedenog, člankom 67. stavak 1. Zakona o visokom obrazovanju Kantona Sarajevo ("Službene novine Kantona Sarajevo", broj 33/2017, 26/2019-autentično tumačenje, 35/2020 i 40/2020), na koji se spomenuti zastupnik poziva, propisano je da se studentima sa poteškoćama u razvoju i invaliditetom priznaje pravo na individualizaciju u postupku realizacije nastavnog procesa odnosno prisustvovanja nastavi, sudjelovanju u izvođenju pojedinih nastavnih sadržaja kao i na provjerama znanja studenata. Stavkom 2. istog člana normirano je da je visokoškolska ustanova obavezna statutom preciznije urediti prava studenata iz stava 1. tog člana, kao i prava lica sa poteškoćama u razvoju i sa invaliditetom prilikom apliciranja za upis u prvu godinu studija i polaganja prijemnog ispita.

Člankom 101. stavak 1. važećeg Zakona o visokom obrazovanju Kantona Sarajevo ("Službene novine Kantona Sarajevo", broj 36/22), propisano je da se studentima sa posebnim statusom (studenti sa invaliditetom, studenti koji su roditelji djeteta kojima je neophodna posebna njega, samohrani roditelj, trudnica, porodilja, studenti koji učestvuju na međunarodnim takmičenjima, kao i studenti vrhunski sportisti i druge kategorije izričito predviđene u statutu visokoškolske ustanove) priznaje pravo na individualizaciju u postupku realizacije nastavnog procesa, odnosno prisustvovanje nastavi, pauziranje studijskog procesa, učestvovanje u izvođenju pojedinih nastavnih sadržaja, kao i na vrednovanjima postignuća studenata. Stavkom 3. istog člana propisano je da je visokoškolska ustanova obvezna statutom preciznije urediti prava studenata iz stava (1) tog člana.

Sukladno navedenom, Instituciji ombudsmana potrebno je dostaviti odgovor da li je visokoškolska ustanova u konkretnom slučaju fakultet političkih nauka postupio po navedenoj zakonskoj odredbi i statutom preciznije uredio prava studenata sa invaliditetom? U slučaju da je odgovor pozitivan potrebno je isti dostaviti Instituciji ombudsmana.

Nadalje, potrebno je dostaviti odgovor o konkretno poduzetim radnjama od strane navedene visokoškolske ustanove u cilju pomaganja studentici sa invaliditetom u individualizaciji postupka realizacije nastavnog procesa na koje ista ima pravo po gore navedenoj zakonskoj regulativi.

Traženo je potrebno dostaviti u roku od 10 (deset) dana od dana prijema ovog akta, a sve sukladno članku 25. Zakona o ombudsmanu za ljudska prava Bosne i Hercegovine<sup>1</sup>.

S poštovanjem,

Po ovlaštenju ombudsmana BiH

stručna savjetnica,  
Maja Ćorić

U prilogu:

1x naslovu

1x u spis

1x stranci/žalitelju

<sup>1</sup> „Službeni glasnik BiH“, br. 19/02, 35/04, 32/06 i 38/06